



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginæ
oraculis, & Sacr. ...

Monacellus, Franciscus

Venetiis, 1707

Instructionis Processus Servorum Dei. Form. XVIII.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

fuit depositum, pignus, debitum pro male ablati, vel contractum lesivum, aut usurarium, & tunc confessionem de æquitate probare, habere privilegium piæ causæ, & obligare hæredem, etiam si alia non concurrant adminicula, tenent Tondut. *quæst. benefic. tom. 1. cap. 108. num. 19. Rot. coram Coccin. decis. 2242. num. 19.* ubi quod talis confessio æquiparetur dispositioni factæ ad favorem Animæ, & causæ piæ: aut falsus fuit falsum in aliquo examine deposuisse, vel tanquam denunciator rei occultæ, seu impedimenti testificetur, & tunc contra tertium, si confessio aliunde non probetur nihil afficit, quia non cuilibet asserenti (licet agat in extremis) est fides præstanda, cum non omnis moriens justus credatur Graff. *lib. 5. consil. tit. de adulter. & stup. consil. 1. num. 23. 24. & 25. & decis. aur. part. 1. lib. 2. cap. 132. num. 34.* nisi concurrerent aliæ urgentes conjecturæ ex quibus Judex inducatur ad sic credendum, Vulpin. *succ. Farinac. part. 5. quæst. 46. num. 2. & trib. seqq.*

11. Si autem aliquis Presbyter absque Testamento, & absque hærede decederet, tunc Episcopus esset hæres, non autem Fiscus laicalis, ad effectum tamen disponendi juxta regulas canonicas, ut respondit Sac. Congreg. Immunit. in Burgi Sancti Donnini 26. Augusti 1669. *lib. 1. decis. Altov. pag. 390.* idest juxta præscriptum Canon. Episcopus 23. præcipimus 24. & cap. res Ecclesiæ 26. 12. quæst. 1. Nam licet Episcopi habeant Fiscum, Bellet. *disquisit. cleric. part. 1. de bon. cleric. §. 14. num. 8.* non tamen ut sibi bona confiscata approprient, sed ut in usum Ecclesiæ, & pauperum distribuant Bellet. *ibi. num. 2.* ubi concordantes.

Instructio Processus super cultu, fama Sanctitatis, & miraculorum Servi Dei coram Ordinario construendi.

FORMULA XVIII

SUMMARIUM.

- 1 Episcopi in eorum Diocesi auctoritate ordinaria conficere possunt Processus super virtutibus, & miraculis Servorum Dei.
- 2 Datur instructio pro compilatione processus usque ad num. 20.
- 3 Referuntur Decreta servanda in fabricatione Processum Servorum Dei, usque ad num. 42.
- 4 Christus habuit testes de vera humanitate, vera Divinitate, vera passione, vera resurrectione.

1. Archiepiscopi, & Episcopi in eorum Diocesis possunt auctoritate propria ordinaria conficere Processus super Vita, & miraculis illius de cujus Beatificatione, & Sanctificatione agitur, vel alteri committere vices suas, servatis tamen, ad hoc ut sint relevantes, quæ præscribuntur in Decretis generalibus Urbani Octavi, ac aliis Sac. Congregat. Rituum inferius dandis Contelor. *de Canoniz. Sanctor. cap. 25. num. 1. & per tot.* Unde poterit dirigi Processus hoc modo videlicet.

2. Compareat in primis coram Episcopo Procurator legitimus, habens ad hunc effectum speciale Mandatum Procuræ illius, qui Postulatoris figuram facit, ac mediante supplici libello instet ad constructionem Processus deveniri: Episcopus valens de per se negotium peragere, prout exoptant litteræ circulares in dictis Decretis generalibus insertæ sub pag. 77. annuere poterit instanti, & propterea deputare Promotorem Fiscalem, qui semper in quolibet actu citari debet; eliget Notarium Apostolicum, qui acta conscribat,

bat, & Curforem, seu Cursores, qui Citationes, intimationes, aut monitoria exequantur: destinabit locum Sacrum locum loci pro Testium juramentis, & depositionibus recipiendis, ac pro aliis peragendis reservata facultate variandi; destinabit dies, & horas Audientiarum, & tandem mandabit pro die, & hora sibi bene visa, citari dictum Promotorem Fiscalem, ad dicendum contra hujusmodi suum rescriptum, seu Decretum, & ad videndum per ipsum Illustrissimum, & Reverendissimum Dominum, & alios ut supra deputatos, juramentum praestari, nec non ad illud simili modo praestandum juxta formam Decretorum novissimorum; Et de hoc primo actu prorsus extrajudiciali celebrabit Instrumentum per aliquem Notarium eidem Episcopo benevisum, qui deinde illum prout infra consignare debet Notario Deputato.

3. Si vero Episcopus fuerit impeditus, Processum committere poterit ejus Vicario Generali, sive alteri Personae idoneae in Ecclesiastica Dignitate constitutae adjungendo illi duos alios Conjudices ad formam praedictarum litterarum circularium.

4. Adveniente vero die, & hora supradictae citationis, & omnibus in loco destinatio comparentibus, Procurator citationem reproducendo, Decretum, sive rescriptum producet, ac instabit pro dicti processus Constructione. Tunc primo loco Episcopus iterum se offerendo promptum ad ulteriora procedere, jurabit de fideliter suo munere complendo, ac de secretum servando juxta formulam traditam *tom. 1. tit. 7. form. XI.* subindeque mandabit simili modo jurari per promotorem, & Notarium Deputatum, nec non etiam per Cursores, (& quoad istos duntaxat de fideliter exercendo eorum munus) & unusquisque tale Juramentum praestabit.

5. Postmodum Promotor protestabitur adversus instantiam Procuratoris nihil fieri, nisi eo in quolibet actu citato, Jurato de calumnia, servatisque tum de Jure, tum juxta dispositionem Decretorum generalium, & novissimorum Sac. Congreg. Rit. servandis. Et illico Episcopus

declarabit se Judicem competentem, mandabit ad ulteriora procedi, & injunget Procuratori, ut juret de calumnia (qui statim jurabit), & mandabit antedicto primo Notario, quod aliud instrumentum publicum de hoc etiam secundo actu faciat, ac utrumque deinde consignet Notario deputato, & de consignatione ipsa statim facienda fides apparebit. Et tali methodo procedi quoque poterit mutatis mutandis, etiam in casu delegationis ut supra.

6. Fiet deinde pro alio die, & hora citatio ad dicendum contra jura, & in illius termino fiet reproductio duorum praecedentium actorum, nec non productio mandati Procuratoris, litterarumque patentium, sive Privilegiorum Promotoratus D. Promotoris deputati, & respectivè Notariatus Apostolici Electi. (At si procedatur per viam delegationis ut supra, litterarum quoque Patentium, & Privilegiorum probantium qualitates tum Judicis Delegati, tum Adjutorum) Promotor autem faciet suam consuetam protestationem, quae nunquam praetermitti debet in quolibet actu, & per Judicem seu Judices, fiet consuetum Decretum admissionis.

7. Pro altera vero die, & hora cum solita citatione, Promotorisque protestatione fiat productio Articulorum, super quibus erunt examinandi Testes, ac eorundem Testium inductio: Advertendo quod in protestatione Promotoris addatur, quod ad examen non deveniatur, nisi dato sibi congruo termino ad conficiendum Interrogatoria, & nisi cum interventu sui: Atque Judex, seu Judices Articulos admittet, seu admittent, mandabit sive mandabunt citari Testes ad jurandum, & praefiget, seu praefigent terminum addandum Interrogatoria.

8. Articulabitur primo loco Sanctitas Vitae dict. N. successivè fama Sanctitatis, Virtutum, & miraculorum, Populorum devotio, & cultus per tempus antiquum, distinguendo unam specialem ab altera, per distinctos Articulos.

9. Pro-

9. Pro altera die citabitur Promotor ad videndum jurare Testes, & ad illos successivè videndum examinari pro diebus, & horis, intimandis, ac infimul citabuntur ipsi Testes inducti ad se subjiciendum examini: Et adveniente die Procurator instabit pro delatione juramenti, Promotor faciet suam solitam protestationem, ac D. Judex, seu Judices decernet, seu decernent Testibus juramentum deferri, & eos examinari ut supra; & in executionem hujus Decreti, Testes unus post alium jurabunt juxta formam datam *tom. 1. tit. 7. form. XII.*

10. Post hæc deveniendum erit ad eorundem Testium examen, prævia semper intimatione Promotoris, & cum illius interventu ac præsentia, sub diebus, & horis, ac in loco, & loco loci destinatis. Promotor autem ante primam sessionem producet Interrogatoria clausa, & sigillata cum protestatione, quod non apperiantur, nisi in actu examinis, & quod in fine cujuslibet sessionis una cum depositionibus receptis claudantur, & ita practicabitur usque ad finem examinis Testium inducendorum, ita ut semper intercedat intimatio Promotoris, ejus protestatio, & præsentia, in qualibet sessione appareat de aperitione Interrogatoriorum, & processus: iteretur Testi juramentum: quilibet examinetur prius super Interrogatoriis, & deinde super Articulis. In fine cujuslibet sessionis Testis se subscribat, ac post eum Judex seu Judices, Promotor, & Notarius, ita continuabitur usque ad finem.

11. Concluso autem examine Testium pro parte Procuratoris Causæ inductorum, examinabantur ex Officio saltem alii duo Testes, juxta præscriptum in Decretis novissimis Sac. Congregat. Rituum de quibus infra, eisdem methodo, & ordine præmissis recipiendis.

12. Post conclusionem Processus examinis Testium, deveniri poterit ad compulsionem, & extractionem scripturarum, librorum, inscriptionum, Historiarum, & partitarum ad causam facien-

tium, prout monui in *annot. ad Form. Edicti de Imagin. & sac. rev. vener. n. 6.* observando quod hujusmodi compulsionem, & extractionem fiant semper præviis citationibus, Decretis, & monitoriis contra Archivistas, & cæteros Scripturas compulandas custodientes horis destinatis, cum accessu formali Judicum, & interventu Promotoris, cum diligenti descriptione Archivii, loci, & libri, ex quibus facienda est extractio, & compulsatio.

13. Et quatenus scripturæ, documenta, libri, & Imagines, characteres sint antiqua, adhibeantur etiam in eodem actu extractionis Periti, quæ præviis debitis citationibus, Decretis, juramentis, aliisque solemnitatibus, juxta eorum peritiam recognoscant, describant, & referant: de quorum Peritorum qualitate, debet in processu apparere justificatio, vel per testes, vel per aliud opportunum documentum.

14. Erit deinde præviis citationibus, & Decretis, ac cum interventu supradictorum facienda visitatio Sepulchri in quo conditum est Corpus Beatificandi: ac Imagines illius fortè in aliquo loco expositæ, vel adsunt ejus Reliquiæ, vel Tabellæ, & diligenter omnia exactè describentur, adhibitis prout qualitas negotii, & rei exegerit Testibus, vel peritis, & in processu redigantur.

15. His peractis, si videbitur ex Processu jam constructo resultare probationem cultus immemorabilis plenam, tunc servatis terminis substantialibus, & facta omnium actorum reproductione, poterit à D. Judice, sive Judicibus ad Sententiæ prolationem deveniri, in qua declarandum erit constare de cultu ab immemorabili præstito Beato N. & casu excepto in Decretis SS. Inquisitionis, ac propterea eis non fuisse contraventum.

16. Si verò agatur de aliquo servo Dei recenter defuncto, qui cultum publicum non habeat; sed de ejus vitæ Sanctitate, virtutibus, & Miraculis inquiretur juxta formam præscriptam in litteris circularibus (de quibus infra),
tunc

tunc completo Processu, construendus erit alius processus sejunctum super non cultu Servi Dei: examinatisque testibus ser. ser. ut supra, & facta per Judicem, seu Judices Visitationes Sepulchri prævia intimatione Promotori, ac in faciem loci examinatis aliis testibus tum à postulatore inductis, tum ex Officio receptis, constitoque ad illius Sepulchrum, non adfuisse, neque adesse Tabellas, seu Immagines, sive ex quavis materia factas, neque lampades, sive alia quæcunque lumina, neque alibi ejus Immagines cum Diademate, laureolis, aliisque signis cultum, & venerationem præferentibus: tunc ser. ser. ut supra pronuntiandum erit à Judice, seu Judicibus, non fuisse, nec esse contraven-tum ad Decretis, imò partium, & satisfactum.

17. Lata Sententia Procurator Causæ instabit pro transumptione Processus petendo, ut ad hunc effectum eligatur Scriptor, qui illum, seu illos transcribat, & præmissa citatione Promotoris, Judex, seu Judices decernet, seu decernent transumptati, & postea eligent Scriptorem, qui antequam ei consignetur Processus ad transcribendum, citato, & præsentate Promotore jurare debeat, tam de fideliter explendo munere suo, quàm etiam de servando secretum: postea citato pariter Promotore, & prævio Decreto eidem Scriptori consignabitur, seu consignabuntur processus ad transcribendum.

18. Transumptione verò finita, prævia itidem citatione Promotoris, decernenda erit ejusdem transumpti collatio, & auscultatio cum originali. Ad hunc effectum citato iterum Promotore per Decretum erit deputandus alius Notarius, qui cum Notario Causæ collationem, & auscultationem faciat, & decernendus erit locus, dies, & hora pro ea peragenda, & deinde exacto prius modo, quo supra etiam ab isto Notario juramento de fideliter explendo munere suo, & secretum servando, dicto Promotore citato, & assistente, coram ipsi Judice seu Judicibus in loco diebus, & horis destinatis fiet, & per-

ficietur collatio, & auscultatio: qua perfecta, citato denuò Promotore, Judex seu Judices Decreto Declarabunt ritè, & rectè factam & hoc etiam restabuntur in eodem processu iidem Notarii.

19. Ultimo loco Procurator Causæ instabit destinari Portitorem, qui processum ipsum seu Processus sic transumptatum seu transumptatos ad Urbem, & ad Sac. Congregat. clausum, & sigillatum seu sigillatos deferat, & prævia citatione Promotoris destinato, recipitur ab eodem Juramento de fideliter explendo munus suum, & deinde subscripto Processu à Judice sive Judicibus, Promotore, & Notario, eoque debita legalitate munito, claudatur, & obtinetur sigillis eorundem, ac Portitoris per actum publicum desuper involucre celebrandum, & consignetur, ut ad Sac. Congreg. deferatur. Quo mediante Processu introducetur causa, & successive examinabitur in ead. Congregatione validitas, & justitia sententiæ Ordinarii super cultu immemorabili: vel super relevantia probationum famæ Sanctitatis Servi Dei.

20. Hæc accipe pro regula, & Intro- ductione generica: si autem cupias magis specificam illam habere, consulta *Mat. de-canoniz. sanctior. part. 3. cap. 5. per r.* ubi inveniuntur formulas citationum, Articulorum, visitationum locorum, descriptionem Sepulchri, & Sententiarum per extensum: ego enim hic Amanuentis personam non assumo.

DECRETA

Sanctissimæ Inquisitionis edita sub die 13. Martii, & 2. Octobris 1625. pag. 2. 3. 4. 5. & 6.

21. **C**UM Sanctiss. D. N. D. Urbanus Divina Providentia Papa VIII. die 13. Martii 1625. Decretum ediderit infra scripti tenoris, videlicet.

San-

Sanctissim. D. N. sollicitè animad-
 vertens abusus, qui irreperunt, & quo-
 tidie irreperere non cessant in colendis
 quibusdam cum Sanctitatis, aut Mar-
 tyrii fama, vel opinione defunctis,
 qui etsi neque Canonizationis, ne-
 que Beatificationis honore insigniti
 sint ab Apostolica Sede, eorum ta-
 men Imagines in Oratoriis atque Ec-
 clesiis aliisque locis publicis, ac etiam
 privatis, cum laureolis, aut radiis,
 seu splendoribus, proponuntur mi-
 racula, & revelationes aliaque be-
 neficia à Deo per eorum interces-
 siones accepta, in libris rerum ab
 ipsis gestarum enarrantur, & ad il-
 lorum Sepulcra, Tabellæ, Imagi-
 nes, & res aliæ ad beneficia acce-
 pta testificanda, & lampades, & alia
 lumina apponuntur. Volensque prò-
 inde hujusmodi abusibus pro debito
 Officii pastoralis occurrere, re etiam
 cum Illustriss. & Reverendiss. DD.
 Cardinalibus contra hæreticam pra-
 vitatem in Universa Republica Chri-
 stiana Generalibus Inquisitoribus,
 communicata, & maturè conside-
 rata, ac discussa, declaravit, sta-
 tuit, & decrevit, ne quorumvis ho-
 minum cum Sanctitatis, seu Martyrii
 fama (Quantuncumque illa sit) defun-
 ctorum Imagines, aliaque prædicta,
 & quodcumque aliud, venerationem,
 & cultum præferens, & indicans in
 Oratoriis, aut locis publicis, seu priva-
 tis, vel Ecclesiis tam Sæcularibus,
 quam Regularibus cujuscumque Reli-
 gionis, Ordinis, Instituti, Congrega-
 tionis, aut Societatis apponantur,
 antequam ab Apostolica Sede canoni-
 zentur, aut Beati declarentur, & (si
 quæ appositæ sunt) amoveantur, pro-
 ut eas statim amoveri mandavit.

22. Ac pariter imprimi de cætero
 inhibuit libros, eorumdem hominum,
 qui Sanctitatis, sive Martyrii fama,
 vel opinione (ut præfertur) celebres è
 vita migraverint, gesta miracula vel re-
 velationes, seu quæcumque beneficia,
 tanquam eorum intercessionibus à Deo
 accepta continentes, sine recognitione,
 atque approbatione Ordinarii, qui in

Monacelli Form. Pars II.

iis recognoscendis, Theologos, alios-
 que pios, ac doctos Viros in consilium
 adhibeat, & ne deinde fraus, aut er-
 ror, aut aliquid novum, ac inordina-
 tum in re tam gravi committatur, ne-
 gotium instructum ad Sedem Apostoli-
 cam transmittat, ejusque responsum ex-
 pectet, Revelationes verò, & miracu-
 la, aliaque beneficia supradicta, quæ in
 libris horum hominum vitam, & gesta
 continentibus, hætenus sine recognitio-
 ne, atque approbatione hujusmodi im-
 pressa sunt, nullo modo approbato cen-
 seri vult, mandatque sua Sanctitas.

23. Ad horum hominum Sepulchra
 vetuit etiam, ac innibuit, tabellas, at-
 que Imagines ex cera, aut argento,
 seu ex alia quacunque materia, tam pi-
 ctas, quàm fictas, atque exculptas ap-
 pendi seu affigi, & lampades, sive alia
 quæcumque lumina accendi sine recogni-
 tione ab Ordinario omninò prout supra
 facienda, Sedique Apostolicæ referenda,
 ac probanda.

24. Declarans quod per suprascripta
 præjudicare in aliquo non vult, ne-
 que intendit iis, qui aut per commu-
 nem Ecclesiæ consensum, vel immemo-
 rabilem temporis cursum, aut per Pa-
 trum, Virorumque Sanctorum scripta,
 vel longissimi temporis scientia, ac to-
 lerantia Sedis Apostolicæ, vel Ordina-
 rii coluntur.

25. Ut autem præmissa diligen-
 tius observentur, Universis, & sin-
 gulis, tam Ordinariis, quàm hære-
 ticæ pravitate Inquisitoribus districtè
 præcipit, ut in sua quisque Diœcesi,
 vel Provincia sedulò pervigilet, nè si-
 ne approbationibus prædictis, Imagi-
 nes cum memoratis signis exponan-
 tur, aut miracula, revelationes, ac
 beneficia prædicta publicentur, alia-
 ve contra superioris disposita fiant.
 Transgressores verò, si Regulares fue-
 rint privationis suorum Officiorum,
 ac vocis activæ, & passivæ, nec non,
 & suspensionis à Divinis: Si verò
 Clerici Sæculares, privationis pari-
 ter suorum Officiorum, suspensio-
 nis à Divinis, & ab administra-
 tione Sacramentorum, executioneque

S

fuo-

suorum Ordinum respectivè, aliisque arbitrio prædictorum Ordinariorum, seu Inquisitorum pro modo culpæ infligendis plectendo. Qui autem libros impresserint, aut Imagines pinxerint, sculperint, seu quoquo modo effinxerint, vel formaverint, cæterique Artifices circa præmissa qualitercunque delinquentes prædicta omnia amittant, & insuper pecuniariis, aliisque etiam corporalibus pœnis, juxtà criminis gravitatem, eorundem Ordinariorum, seu Inquisitorum arbitrio afficiantur. Contrariis quibuscumque non obstantibus &c.

26. Postmodum verò idem Sanctiss. D. N. à quibusdam revocari in dubium accepit, an Tabellas, & Imagines, quas in posterum offerri contigerit recipere, & antea oblatas conservare liceret, Sanctitas sua, quæ tantummodo voluit occurrendo abusibus, qui irrepere videbantur, certiore parare viam ad eorum in terris gloriam, quorum Sanctimoniam Divinæ Clementiæ placuerit admirandis operibus illustrare; re prius cum Illustrissim. & Reverendiss. DD. Cardinalibus contra hæreticam pravitatem Generalibus Inquisitoribus communicata præfenti Decreto declaravit. Quod sicut nunquam prohibuit, nec suæ intentionis fuit prohibere oblationem, receptionemque Tabellarum, & Imaginum hujusmodi, itaut nulli deinceps hæsitatio ni locus relinquatur statuit, in præsentiarum, & decernit, ut quoties ad aliquam Ecclesiam, aut Oratorium, locumve alium publicum Sæcularem, seu Regularem Tabellas, & Imagines, aliudve simile quispiam detulerit, ac intercessione hominum inter Sanctos, vel Beatos non ascriptorum, quamvis cum Martyrii, vel Sanctitatis fama demortuorum, optata se impetravisse dixerit, liceat Ecclesiasticis personis Ecclesiarum, locorumve prædictorum Curæ Præpositis, Tabellas, & Imagines, sive pictas, sive ex quavis materia factas, atque alia quacunquè collatæ gratiæ fidentem facientia simul cum deferentis, aliorumque, qui conscii fuerint attestationibus recipere, atque approbantibus Ordinariis ad quos referre statim omnia teneantur, in secreto aliquo, seorsim ab

Ecclesia loco custodire, ibidemque jam amota collocare, & aservare, ut si quando Dominus talium Virorum merita Beaticificationis, seu Canonizationis honore in terris decorare voluerit: extent hujusmodi Sanctitatis qualescumque probationes, Apostolicæ Sedis judicio tunc examinandæ. Contrariis quibuscumque non obstantibus. (Et sequitur publicatio.)

Alia

DECRETA

Expedita per Breve 5. Julii 1634.
pag. 7. 8. 9. & 10.

27 **U**Rbanus Papa VIII. &c. Cælestis Hierusalem Civis &c. (& facta narratione, & insertione prædictorum præcedentium Decretorum, in dispositiva dicitur) Demum verò, ut ejusmodi Decreta observentur indubie, ac omnimodam sortiuntur executionem, cum eisdem Cardinalibus re pariter communicata, deque eorundem consilio præmissis addidimus, statuimus, decrevimus, atque declaravimus, nè ex tunc deinceps quispiam Ordinariorum, aut ab Apostolica Sede ad hoc specialiter delegatorum super alicujus utriusque Sexus cum Sanctitatis, aut Martyrii fama, vel opinione defuncti miraculis, revelationibus, aliisve ejusmodi Sanctitatem redolen. ex integro informationes quoquo modo reciperet, aut processum instrueret, vel hucusque receptas informationes, instructumve processum ulterius prosequeretur, nisi postulator prius per legitimas juridicè susceptas probationes circa personam ejus de cujus miraculis revelationibus, aliisve rebus gestis Sanctitatem præferentibus ageretur, præscriptam in præfato nostro Decreto formam omninò servatam extitisse docuerit, & nisi postea successivè idem Ordinarius, aut ab Apostolica Sede ad hoc spe-

Alia

DECRETA

Pag. 17. 18. 19. 20. & 21.

specialiter delegatus diligenti præhabita disquisitione circa eandem personam *Supracitato Decreto nullatenus contrarium esse, ritè pronunciauerit*, utque id inuolabiler obseruetur, statuimus insuper, ac decreuimus nè transmissi ad Urbem undecunque huiusmodi processus à Congregationis Sac. Rituum Secretario, minusvè à Sanctæ Fidei Promotore quomodolibet aperiantur, nisi prius in ipsa Sacrorum Rituum Congregatione, alio sejunctim oblato authentico processu, ex eo Ordinarium, aut ab Apostolica Sede specialiter delegatum, ritè ac rectè, ut præmittitur cognouisse, ac pronunciaffe prælibato Decreto nequaquam contrarium esse plenè constiterit, ac deinde à nobis judicialiter aperiendi eos processus facultas indulta fuisse. Insuper longissimum tempus, illiusque immemorabilem cursum de quo in prædicto Decreto, intelligi declarauimus: esse tempus centum annorum *metam excedens*, deque his, atque infra scriptis omnibus, quæ in his Decretis disposita, & ordinata sunt aliqua suboriens difficultate, Ordinariis locorum, & Delegatis Apostolicis quibuslibet, omnem omnino interpretandi facultatem ademimus, ut qua Sedem Apostolicam desuper consulerent, ab eaque responsum expectarent, mandauimus eisdem, & alias prout in Decretis desuper editis plenius continetur. Quare, &c. motu proprio, & ex certa scientia, ac mera deliberatione nostris, deque Apostolicæ potestatis plenitudine Decreta prædicta, cum omnibus, & singulis in eis contentis tenore præsentium perpetuò approbamus, & confirmamus. (Et sequuntur Decreta roborantia, & derogationes.)

28. **I** Magines eorum, qui cum Sanctitatis, seu Martyrii fama obierunt, non apponantur in Altari publico, vel privato, & multò minus cum Diademate, laureolis, aut radiis, seu splendoribus, vel alio quocunque modo uenerationem, & cultum præferente, & indicante. Hæ enim prohibentur apponi non solum in Altaribus prædictis, sed etiam in Oratoriis, vel Ecclesiis, aut locis publicis, seu privatis quibuscunque, antequam à Sede Apostolica Canonizentur, vel Beati declarentur.

29. Responsum, quod à Sede Apostolica in vim prædictorum Decretorum expectare debent Ordinarii locorum, ut imprimi possint libri continentes gesta, miracula, seu revelationes eorum, qui cum prædicta fama Sanctitatis, seu Martyrii decesserunt, non detur, nisi cum infra scriptis protestationibus, in dictis libris, & historiis inferendis. Declarando etiam expressè, quod tales libri, seu historiæ, licet ab Ordinariis reuisæ, & post Sedis Apostolicæ responsum approbatæ, non faciant maiorem gradum probationis in ordine ad Canonizationem, seu Beatificationem, quam quæ alias absque tali approbatione de jure fecissent, non obstante quocunque longissimi temporis cursu.

Protestatio Auctoris in principio libri imprimenda.

„ 30. **C**UM San. Memor. Urbanus
 „ VIII. die 13. Martii 1625. in
 „ Sac. Congregation. Sanctæ Rom. &
 „ Universalis Inquisitionis Decretum
 „ ediderit, idemque confirmauerit 5.
 „ Julii anno 1634. quo inhibuit impri-
 „ mi libros hominum, qui Sanctitate,
 S 2 „ seu

„ seu Martyrii fama celebres è vita mi-
 „ graverunt, gesta, miracula, vel re-
 „ velationes, seu quæcunque Beneficia,
 „ tanquam eorum intercessionibus à Deo
 „ accepta continentes sine recognitione,
 „ atque approbatione Ordinarii, & quæ
 „ hætenus sine ea impressa sunt, nullo
 „ modo vult cenferi approbata, idem au-
 „ tem Sanctiss. die 3. Junii 1631. ita ex-
 „ plicaverit, ut nimirum non admittan-
 „ tur Elogia Sancti, vel Beati absolutè,
 „ & quæ cadunt super persona, benè ta-
 „ men ea, quæ cadunt supra mores, &
 „ opinionem, cum protestatione in prin-
 „ cipio, quod iis nulla adfit auctoritas ab
 „ Ecclesia Romana, sed fides sit tantum
 „ penes Auctorem. Huic Decreto ejus-
 „ que confirmationi, & declarationi ob-
 „ servantia, & reverentia, qua par est,
 „ insistendo profiteor me haud alio sensu
 „ quicquid in hoc libro refero, accipere,
 „ aut accipi ab ullo velle, quam quo ea
 „ solent, quæ humana dumtaxat aucto-
 „ ritate, non autem Divina Catholicæ
 „ Romanæ Ecclesiæ, aut Sanctæ Sedis
 „ Apostolicæ nitantur, iis tantummodò
 „ exceptis quos eadem Sancta Sedes
 „ Sanctorum, Beatorum, aut Martyrum
 „ Catalogo adscripsit.

Sequens verò in fine
Libri.

31. **L**ECTOR adverte in Elogiis
 Virorum Illustrium, quos hoc
 libro complexus sum nonnulla me obiter
 attingere, quæ Sanctitatem ipsis videan-
 tur adscribere, perstringo, nonnunquam
 aliqua ab iis gesta, quæ cum vires huma-
 nas superent, miracula videri possunt:
 præfagia futurorum, Arcanorum manife-
 stationes, revelationes, illustrationes, &
 si quæ sunt alia hujusmodi: beneficia item
 in miseros mortales eorum intercessione
 divinitus; demùm nonnullis Sanctimo-
 niæ, vel martyrii videor appellatione tri-
 buere. Verùm hæc omnia ita meis le-
 ctoribus propono, ut nolim ab illis accipi
 tanquam ab Apostolica Sede examinata,
 atque approbata, sed tanquam quæ à sola
 suorum Auctorum fide pondus obtin-

neant, atque adeò non aliter, quam hu-
 manam historiam. Proinde Apostolicum
 Sacr. Congregationis S. R. & Univer-
 salis Inquisitionis Decretum anno 1623.
 editum, & anno 1634. confirmatum in-
 tegrè, atque inviolatè, juxtà declaratio-
 nem ejusdem Decreti à san. mem. Urba-
 no Octavo anno 1631. factam servari à
 me omnes intelligant, nec velle me, vel
 cultum, aut venerationem aliquam per
 has meas narrationes ulli arrogare, vel
 famam, & opinionem Sanctitatis, aut
 Martyrii inducere, seu augere, nec quic-
 quam ejus existimationi adjungere, nul-
 lumque gradum facere ad futuram ali-
 quando ullius Beatificationem, vel Ca-
 nonizationem, aut miraculi comproba-
 tionem, sed omnia in eo statu à me relin-
 qui, quem seclusa hac mea lucubratione
 obtinerent, non obstante quocunque lon-
 gissimi temporis cursu hoc tam sancte
 profiteor, quam decet eum, qui Sanctæ
 Sedis Apostolicæ obedientissimus haberi
 filius cupit, & ab ea in omni sua inter-
 ceptione, & actione dirigi.

Ego N. N.

32. Particularis Processus cum sub-
 sequenti pronuntiatione Ordinarii, seu
 Apostolicæ Sedis Delegati, sicut præ-
 cedere debet ex forma prædictorum De-
 cretorum super cultu non adhibito, ita
 etiam præcedere debet, & ab eisdem
 respectivè faciendus est, quando aliquis
 Postulator allegaret se versari in uno
 ex casibus exceptuatis; nempe quod cul-
 tus fuerit adhibitus ex Indulto Summo-
 rum Pontificum, vel permissionis Sacræ
 Congregationis, vel communem Eccle-
 siæ consensum, vel per immemorabilem
 temporis cursum, aut per Patrum, Viro-
 rumque Sanctorum scripta, vel longissi-
 mi temporis scientia, atque tolerantia
 Sedis Apostolicæ, vel Ordinarii, ut sem-
 præsupradictis Decretis.

33. Votivæ Tabellæ, Imagines, &
 res aliæ beneficia accepta testificanda,
 quæ in secreto retineri mandantur,
 etiam

etiam in Sacrario custodiri permittuntur,
secreto tamen, & eo modo quo cultum,
& venerationem non præferant.

ALIUD
DECRETUM

Pag. 57.

34 **C**UM in tota Ecclesiæ gubernatione nihil majus, nihil sit augustius Beatificatione, & Canonizatione Sanctorum, utpotè homines jam demortuos, etiam cum fama sanctitatis, ac miraculorum declarare pro Sanctis, eosque uti tales colens, & venerando decernere.

35 Sac. Rituum Congregat. ut hæc res planè amplissima, atque gravissima ritè, sanctèque conficiatur, prohibet omnibus, & singulis personis Ecclesiasticis tam Sæcularibus, quàm Regularibus etiam Sancti Joannis Hierosolymitani, Societatis Jesu, vel aliorum quantumvis nota dignorum, ne audeant, ipsi per se, aut per alios capere informationes super Sanctitate, aut miraculis alicujus Defuncti, neque ullo modo exquirere aut obtinere, ad hunc effectum extrajudiciales testificationes, aut subscriptione sub pœnis arbitrio Sac. Congreg. infligen. Quod si Superiori, Sacristæ, seu alteri officiali illius Ecclesiæ, in qua requiescit corpus ipsiusmet Defuncti, vel alterius etiam Ecclesiæ, fuerint revelata aliqua miracula, seu Prophetiæ dona, possint ea recipere sub sigillo secreti ab ipsis tantum relatoribus, in quorum gratiam contigisse narrabitur, teneantur tamen quamprimum commodè poterunt, eadem deferre, vel obsignata transmittere Episcopo loci cum expressa declaratione, quod revelationes sicut supra receptæ non faciant aliquem probationis gradum etiam cujusvis longissimi temporis cursu.

LITTERÆ

Pro Patriarchis, Archiepiscopis,
& Episcopis pag. 58.

36 **A**D MODUM Illustr. & Reverendissime Domine. Cum quotidie magis notum fiat quanta sinceritate mentis, & maturitate cognitionis incipere, & prosequi deceat eorum causas, qui diem ultimum obiere, non sine aliqua populis relicta opinione Sanctitatis, & quam accuratè fideliterque in re tanti momenti adhiberi testes, & in examen vocari conveniat, Sac. Rituum Congregat. (facto prius verbo cum Sanctissimo) aliquis subrepat abusus, jussit amplitudinem tuam hæc peculiari Epistola fieri certiorrem de iis, quæ in adjuncto Decreto continentur, nempe ut curet ne in posterum ulla ex parte adversus illud à quopiam in tua Diœcesi aliquid committatur, sed ab omnibus omninò inviolabiliter observetur, & quando apud amplitudinem tuam ab aliquo petitum fuerit, ut velit inquirere in sanctitate vitæ, & miracula alicujus, qui cum prædicta fama obiisse, dicatur. Quoniam nimia plerumque proclivitas, atque celeritas occasionem errori præbet, non prius generaliter super vitæ Sanctitate inquire permittat, quam particulariter de alicujus virtutis eminenti gradu, aut peculiari aliquo miraculo, præcedat famæ comprobatio, prout prudentiæ tuæ magis expedire videbitur: Quod per te ipsum exequi Sac. Congreg. summo opere exoptat; sed si ob invaliditatem, sive ob legitimum aliud impedimentum id conficere non valebis, super quo conscientiam tuam onerat eadem Congregatio, poterit Amplitudo tua delegare Vicarium tuum Generalem, vel in Dignitate Ecclesiastica constitutum, qui delegatus, sive ille sit Vicarius sive cujuscunque dignitatis, cum aliis ad minus duobus doctis viris, altero scilicet Magistro in Theologia, altero verò graduato

duato, vel licentiato in jure Canonico, rem totam ita peragere debeant, ut omnes sua nomina subnotent post subscriptionem cujuscunque testis, antequam discedant à loco ipsius examinis. Curabit insuper Amplitudo tua, ut testes omnes quæcunque habent, explanatè, & per extensum deponant, nec se referant ad attestations redditas, neque eis recitentur, quæ alias ipsi deposuerunt, postquam verò fuerint per Amplitudinem tuam, vel per alios à te ex causis supra narratis subrogatos acta completa secretò retineantur, præstito etiam juramento à Notariis, & testibus se nemini promulgaturos, quidquid ipsi scripserint, & respectivè deposuerint, vel de quibus interrogati fuerint. De his autem actis per te aut jussu tuo confectis certiore statim reddere debet Amplitudo tua Summum Pontificem, eaque quantò citiùs poterit authenticè transcripta, ac sigillo obfirmata ad Sac. Rituum Congregationem transmitti. Originalia verò eodem modo consignata, & in capsula clausa pluribus clavibus, quæ diversis ad arbitrium tuum custodiendæ traduntur, in Archivio Patriarchali conserventur. Notum tamen sit Amplitudini tuæ neque per hanc Epistolam, neque per aliquid in ea propositum voluisse Summum Pontificem neque Sacram Rituum Congregationem tribuere, aut augere jurisdictionem, seu facultatem, quæ alias Episcopis competere possent. Atque ut hæc litteræ nulla imposteriorum oblivione deleantur, sed semper in recordatione vigeant, & tua, & tuorum deinceps Successorum, dabit operam Amplitudo tua, ut ille quantò citius tam in Curia tua Patriarchali, quàm in Archivio Capitulari ad perpetuam rei memoriam afferentur. Vale. Datum Romæ 12. Martii 1631.

Amplitudinis tuæ uti Frater &c.

DECRETA

Novissima 9. Julii & 6. Augusti 1678 emanata.
pag. 3.

37. **P**RIMO. Animadvertens eadem Sac. Congregat. quod necessarium sit, ut Processus auctoritate Ordinaria fabricandi conficiantur cum maximâ diligentia, censuit mandari Ordinariis locorum, ut ultra testes inductos à Postulatoribus, teneantur ipsi quoque inquirere, ac examinare alios testes bene instructos super vita, & moribus servi Dei, & si aliquid repererint in contrarium, quod ipsi videatur relevans, supersedeant in ulteriori inquisitione, donec Sac. Congregatio ab eis certiorata per litteras mandet quid agendum sit.
38. Secundò. Hujusmodi diligentia servari vult etiam in Processibus auctoritate Apostolica faciendis à Judicibus Delegatis, quibus per litteras particulares Sac. Congreg. enixè commendari debeat, & idem faciat Promotor fidei in litteris scribendis Subpromotoribus.
39. Tertiò. Et pro majori cautela præscribi debeat in litteris remissorialibus, quod non solum Interrogatoria retineantur semper clausa, & sigillata cum sigillis eorundem Judicum, non aperienda nisi in actu examinis, & claudenda in fine, seu ulterius depositiones ipsæ antequam Processus sit absolutus, in fine cujuslibet sessionis claudi, & signari debeant cum Sigillis Judicum, nec possint aperiri, nisi in præsentia ipsorum in principio cujuslibet examinis, & sessionis, ac hujusmodi diligentia fieri debeant etiam in Processibus fabricandis in Curia, lidemque Judices prout etiam subpromotores, & Notarii, tam in partibus, quàm in Curia, ac Testes, & in Curia Prothonotarius, debeant ante inchoationem Processuum præstare juramentum de servando Secretum religiosè sub pœna Excommunicationis ipso facto in casum contraventionis incurrendæ;

sendæ, juxtâ formulâ ejusdem juramenti imprimendam in fine Decretorum, & pro omnimoda observantia transmittendam Judicibus Delegatis, &c. (& omiſſis aliis, quæ ad Ordinarios non pertinent.)

40. Nonò. Cum in Decreto approbato à felic. rec. Urbano VIII. die 12. Martii 1631. impresso in libello pag. 57. Sac. Congregatio, cognoscens, quod in hac re, utpotè gravissima, ritè, Sancteque procedendum est, prohibuerit omnibus, & singulis personis Ecclesiasticis, tam Sæcularibus, quàm Regularibus, quamvis speciali nota dignis, ne audeant per se, vel per alios capere informationes super sanctitate, aut miraculis alicujus, nec ullo modo exequire, aut obtinere, ad hunc effectum extrajudiciales testificationes, aut subscriptiones sub pœnis arbitrio ipsius Congregationis infligendis, illud confirmando jussit, quod hujusmodi extrajudiciales attestations non solum exquiri, aut obtineri non valeant, sed rursus quod hætenus obtentæ, sive in futurum obtinendæ, non faciant aliquem gradum probationis, nec inferi possint in Processibus, tam Ordinaria, quàm Apostolica Auctoritate: fabricandis.

41. Cætera alia Decreta fuerunt prætermiſſa: quia non pertinent ad instructionem Ordinarii: qui quoties in hac Processuum Constructione, non procedat jure Ordinario, sed Delegato Sac. Congregationis; tunc servare debet litteras remissoriales, & Commissionem,

in quibus plena datur forma, qua debeat se continere, & à quâ nec latum unguem discedere poterit.

42. Cæterum nil mirum si in fulcenda Virorum Sanctitate, tam nervosus vigor, & exacta forma probationum exigatur, dum & de Christo oportuit testimonium perhiberi, nempe, quod fuerit in eo vera humanitas, vera Divinitas, vera passio, & vera resurrectio: Testis enim de sua vera Humanitate fuit *Sanctus Matthæus*, qui in principio sui Evangelii Christi genealogiam texuit, & ideo in figura hominis ponitur: Testis Divinitatis fuit *Sanctus Joannes*, qui elevans se super cælos, nativitatem ejus inenarrabilem mirabiliter in Evangelio descripsit, & ideo in specie Aquilæ figuratur: Testis de ejus passione fuit *Sanctus Lucas*, qui ejus narratione in Sanguinis copiosa in Horto effusione nobis præceteris Evangelistis manifestavit acerbior, & ideo in figura Vituli, qui Deo in Sacrificium offerebatur designatur. Testis de Resurrectione fuit *Sanctus Marcus*, qui ipsam eleganter conscripsit, & ideo in figura Leonis figuratur: sicut enim Leo ad sui clamorem post tertium diem Leuculos ferè mortuos suscitavit (ut ajunt qui de animalibus scripserunt) sic Pater in Divinis filium suum post tertium diem suscitavit: Et quia Sanctus de hac suscitatione apertius agit, ideo ejus Evangelium in die Resurrectionis Christi in tota Ecclesia recitatur, prout observat Jo. Herlot. vulgò *Discipulus sermon. de Sanctis serm. 16.*